

# ТРАКТОР

ВКП(б)-лэн Дебесской райкомезлэн но райсоветлэн органзы

## 1-тй апрелезь нюлэс дасянэз быдэстоно

Нюлэскын ужась стахановец'эслэн, ударник'эслэн слотсы вазиськылиз вань нюлэскын ужасьёслы, колхозник'ёслы, чтобы 20-тй мартозь нюлэс дасян планэз 100 процентлы быдэстыны. Стахановец'эс, ударник'эс асьсэлэсь вазиськемзэс ужвыдын быдэстон понна нюр'ясыбыса, образцовой пример'эс возматэ. Н-Пыхтинской лесопунктысь М. И. Колоткин стахановец, нюлэскын 164 нормалы ужаз ни. Колоткин эш 4 толэзкын заработать кариз 2112 манет. Котегуртской лесопунктысь П. А. Тепляшин 155 нормалы ужаса ныль толэзэ чоже кык сюрэ манет кытыр заработать кариз. Таче сезонной премиос басытьёсь Дебесс леспромхозын 235 мурт, таос 40 нормалэсь трос ужазы ни. «1-й луч» колхозысь Т. С. Серебренников но В. А. Серебренников йё сюрэс кузя быдэн сюрэ кубометр поттыса тырмыто ни. «Ударник» колхоз, председателэз Загребин эш, нюлэс дасян, ворттон, поттон планэз 100 процентлы 1-тй марты быдэстыса, ади но нюлэскын ужало.

Вылй верам азымынсь адымиос но трос мукет'эсыз стахановец'эс, ударник'эс, нюлэс дасянлэсь бадзым хозяйственно-политической значениэ валаса, та ужын по-большевистски ужало, прилично зарабатывать каро.

Но таин чош ик вань колхоз'эс но сослэн руководительёсы, куд'эсыз нюлэс дасянлэсь значениэ валамтэнызы, нюлэскын урод ужало. Тани «Красный Октябрь» колхоз, председателэз Белослудцев, нюлэскын ужан'я договорэз тырмытымтэ понна 6400 манет коньдон тырыны народной судэн присудить каремын, «Высокое поле» колхозы, председателэз Татауров, — 1023 манет. Мукет колхозысь колхоз председател'эс или бригадир'эс, колхоз правлени член'эс нюлэскы мыныса

отын конкретно руководить каро, юртто ужез организовать карыны. Соин ик ужзы умой мынэ. Нош Белослудцев но Татауров кад'эс нюлэскы потаны кышкало. Лесагурт сельсоветлэн председателэз Малыгин, ужаны куткем дырысеныз нюлэскын ужанэз организовать карон сярись номыре но ёз дэсты на. Лесагурт сельсоветын ик туньэс кизёнлы дасыськэн но урод мынэ. Юано усе, ма гинэ каре Малыгин, тодыла-а сое райсоветлэн Исполнительной Комитетэз?

Тини кин'эс нюлэс дасянэн районмес б'орысе кыско. 23 март азелы Дебесской леспромхоз'я нюлэс дасян план быдэстамын 80,2 процентлы гинэ, нюлэс поттон — 96,2 процентлы, ворттон — 80,3 процентлы сяна б'ыл.

Нюлэс дасянэз кемалы кыскытыны неокызы но уг луы. Сое кемалы кыскытыса, колхоз'эс вал'эссэс кизён азелы умой дасытыны уз быгатэ, Соин ик тунэз нуналысен колхоз председател'эслы, бригадир'эслы колхозник'ёсынызы нюлэскы ужаны мыныса, ужзэс озыы организовать кароно, чтобы 1-тй апрелэз нырысетй кварталэ нюлэс дасян планэз одно ик 100 процентлы быдэстоно. Колхоз'эсысь партийной организациослы, сельсовет'эслы та ужез возглавить кароно. Нуналлы быдэ нюлэскын кулэ ужаны 300 мурт пыдын но 250 мурт валэн. Нюлэс дасян'я котькуд'яны ужак нормаэз быдэ'яно 4 кубометрлэсь б'жыт б'ыл, вывозка 5 кубометр но подвозка 6 кубометр. Соны понна нюлэскын ужасьёс п'олын котькулэсь зол массово-воспитательной ужез пуктыса, паськыт в'олмытоно стахановской движениэ.

Таче задача пукэ партийной, советской организациос азын, колхоз'эс, колхозник'эс азын.

### ТАСС-лэн цвортэмез

## СССР-лэн Верховной Советэзлэн Президиуменыз Советской Союз но Финляндия куспын мирной договорэз ратифицировать карон сярись


Туэ 19 мартэ СССР-лэн Верховной Советэзлэн Президиумез ратифицировать кариз Советской Союз

но Финляндской республика куспын Москваын 12 мартэ 1940 арын гожтэм мирной договорэз.

## Финляндской представител'эслэн г. Пааскивилэн но г. Войнмаалэн вуэмзы

19 мартэ Москвае вуизы г. Пааскиви но г. Войнмаа, Финляндлэн Президентэзлэн уполномоченнойёсыз СССР но Финляндия куспын гожтэм Мирной Договорлэн ратификационной акт'эсыныз вош'ясыкэн понна.

Центральной аэропортын лыктэм'эсты пумитазы НКВД-лэн Протокольной Отделэзлэн заведующоюз В. И. Барков эш, Прибалтийской странаослэн Отделэзлэн заведующоюз А. Ю. Лысяв эш, шведской миссиэлэн военной атташез г. Флострем.



Гранинской лесопунктын (Свердловской области) тракторной краныи нюлэс грузать каро. Одыг кран 24 грузчик'эс нитысе ума.



Белофин'эсын бойын участник — Советской Союзлэн Героюз красноармеец Г. С. ПУЛЬКИН.

## „1-й луч“ колхоз умой ужаз

24 мартэ нюлэскын ужан воскресник организовать каремын вал. Тросэз колхоз'эс умой ужазы. „Ударник“ колхозлэн планэз ке но тырмытымын, ужазы 10 мурт пыдын но 2 валэн. Чебер-Выр колхозысь ужазы 20 мурт, ужез кивалт'ыз колхозылэн председателэз В. А. Тронин эш. „1-й луч“ колхозлэн председателэз Опарин но сельсоветлэн секретарез, депутат Белослудцева колхозник'эсты организовать карыса ужаны ветлызы. Та колхозысь пыдын ужаны ветлызы 25 мурт, 18 валэн.

Сюрногурт сельсоветлэн председателэз Поздеев, сельсоветысь колхоз'эссэ воскресникын ужаны организовать карымтэ. Сюрногурт сельсоветысь одыг „Динамо“ колхозысь гинэ 2 валэн ужазы, „Красный май“ но „Кр. Звезда“ колхозысь одыг мурт но ёз ужалэ. „Политотдел“ колхозысь 8 валэн ужаны ветлыса, Ложкин бригадир'ы кивалтэм'я тамак кыскыса но вераськыса гинэ дырзэс ортчытызы ужатэк.

Зеленюк.

## Красной Армиалэсь войсковой частьёсэ, соединениосэ, начальствующой составзэ но красноармеец'эсэ награждать карон

Финской белогвардейщинылы пумит нюр'ясыкэн фронтын командованилэсь боевой заданиосэ быдэстоп дыр'я личной составен доблесть но героизм возматэм понна СССР-лэн Верховной Советэзлэн Президиумез наградить кариз Союзлэн орден'эсыныз Красной Армиалэсь 23 войсковой частьёсэ, соос п'олын: кунь войсковой частьёс наградить каремын Ленин орденэн, 20 войсковой частьёс — «Красное Знамя» орденэн.

Наградить карем частьёс п'олы войскоослэн вап основной род'эсы сыро.

Финской белогвардейщинылы пумит нюр'ясыкэн фронтын командованилэсь боевой заданиосэ образцово быдэстэмез понна кыктэтипыз «Золотая Звезда» медален наградить каремын Советской Союзлэн Героюз комдив Денисов Сергей Прокофьевич.

Советской Союзлэн Героюзлэсь званизэ, Ленин орден но «Золотая Звезда» медалэ сёттыса, присвоить

каремын 171 командир'эслы, политработник'эслы но красноармеец'эслы.

Финской белогвардейщинылы пумит нюр'ясыкэн фронтын командованилэсь боевой заданиосэ образцово быдэстэмзы понна но соку доблесть но мужество возматэмзы понна СССР-лэн Верховной Советэзлэн Президиумез, нимысыз указэн, Союзлэн орден'эсыныз но медалёсыныз наградить кариз — Красной Армиалэсь начальствующой но красноармейской составысьтыз, начальствующой составлэн семьяосызлэсь член'эсэ, госпитальысь но гражданской учреждениосысь ужасьёсты 9.329 муртэ.

Ленин орденэн наградить каремын 184 мурт, «Красное Знамя» орденэн — 1701, «Красная Звезда» орденэн — 1953, «Отвага понна» медален — 2707, «Боевой заслугаос понна» — 2784.

Вань наградить карем'эслэн поименной списоксы «Красная Звезда» газетын сёттыське.

## Советской Союзлэсь Героюзэ комдивез Денисов Сергей Прокофьевичез кыктэтипын „Золотая звезда“ медален наградить карон сярись СССР-лэн Верховной Советэзлэн Президиумезлэн УКАЗЭЗ

Финской белогвардейщинылы пумит нюр'ясыкэн фронтын командованилэсь боевой заданиосэ образцово быдэ'ямеэ понна, кудыз право сётэ Советской Союзлэн Героюзлэсь званизэ басытыны, Советской Союзлэсь Героюзэ комдивез Денисов Сергей Прокофьевичез наградить кароно кыктэтипын «Золотая звезда» медален, бронзовой бюст лэстыно но сое награжденнойлэн родиназэ постамент вылэ пуктоно.

СССР-лэн Верховной Советэзлэн Президиумезлэн председателэз М. КАЛИНИН СССР-лэн Верховной Советэзлэн Президиумезлэн секретарез А ГОРКИН.

### ФИНПЛАН

## Азымынсьёс

Колхоз'эс но заем'я ужась уполномоченнойёс куспазы социалистической ч'ошатекыса ужанэз паськыт в'олмытам вамен, Зар-Медла сельсоветысь колхоз'эс заемлы коньдон люканзэс 1939 арын ик 100 процентлы быдэстызы. Али таос планзылэсь мултэс 143 манет люказы на.

Колхозник'эс п'олын массовой уж нуон вамен озыы ик заемлы коньдон люгамзэс быдэстызы ни таче

колхоз'эс: «Веселый труд», заем'я ужась уполномоченной В. И. Сидоркин, «Труженик» — уполномоченной П. С. Трапезников, «Кр.-Орлы» — уполномоченной — И. Е. Докучаев.

Мукет колхоз'эслы но массовой валектон уж нуон вамен заемлы коньдон люканзэс та нунал'эсы быдэстоно.

Хохряков.

## Тани кин'эс б'орысе кыско

Зар-Медла сельсоветысь ваньмыз колхоз'эс но озыы ик мукет колхоз'эс но заемлы дыраз коньдон тырволэсь бадзым значениэ валаса, 1-тй январь азелы ик заемзы понна коньдон тыронзэс 100 процентлы быдэстызы. Но вань сельсовет'эс, куд'эсаз массово-воспитательной уж урод нуэмен, заемлы коньдон тыронэн бере кыллызы. Дебесс сельсоветын заемлы коньдон тыронзы 9,6 процентлы гинэ быдэстамын, Тольен сельсоветын — 16,3 процентлы, Шуралуд сельсоветын — 20,5 процентлы, Лесагурт сельсоветын — 20,8, Бибань-

гурт сельсоветын — 21 процент гинэ. Тани кин'эс быдэс районэз б'орысе кыско Соин сэрэн ик 20-тй март азелы, районамы заемлы коньдон тырон план 73 процентлы сяна быдэстымтэ.

Заемлы коньдон тырон срок'эс б'жыт кыллызы ни. Сельсовет'эслы, заем'я ужась уполномоченнойёслы колхозник'эс п'олын массово-воспитательной уж нуонэз паськыт в'олмытыса, 1-тй апрелэз заемлы коньдон люканзэс одно ик быдэстоно.

П. Х.

## XVIII областной партийной конференция ворсаськиз

18-ти областной партийной конференциялэн 15 мартэ чулна заседанияз ВКП(б) Обкомлэн ревизионной комиссиялэн составаз кандидатурасты выдвигать но обсуждать карон мыннэ.

Жытазе 9 часын счетной комиссия голосованилэсь результат'ёсэ ялнэ. ВКП(б) Обкомлы член'ёсы быр'емын 65 мурт, ВКП(б) Обкомлэн член'ёсызлы кандидат'ёс — 15 мурт но ревизионной комиссила член'ёсы — 9 мурт.

Собере конференциян заключительной кылпн выступить кариз А. П. Чекинов эш. Со ас выступленияз йтиз Удмуртской партийной организациез эшшо но кужмо ужаны ВКП(б)-лэн 18 с'ездэзлэсь решениосэ быдэс'ян бордын, мобилизовать карны кужым'ёсты 1940 арлы тупатэм промфинпланэз быдэс'яны, тугыс ю бизнэсэз по-большевицки ортчытны.

ВКП(б)-лэн 18 областной партийной конференцияез таин ас ужзэ йылпум'яз.

## XVIII областной партконференция ВКП(б)-лэн Обкомаз быр'ем член'ёслэн

### Списоксы

Абрамов А. В.	Крупин В. И.	Павлов А. Е.
Ардашев К. П.	Кузнецов М. В.	Поляков Г. И.
Антофеев И. М.	Косачев А. В.	Поздеев С. М.
Алексеев А. М.	Карпов М. М.	Плехов Н. П.
Бармин Ф. И.	Караваева Ф. С.	Пастухова Е. Д.
Брызгалов К. А.	Красноперов А. Т.	Растегаева Ф. А.
Борисова Д. В.	Коробов С. И.	Русских П. А.
Богданов А. Ф.	Красноперов С. А.	Рычков Г. С.
Волков В. А.	Магущкин И. К.	Самарцев Н. М.
Гронин В. А.	Малых А. П.	Соколов Г. К.
Герасимов А. М.	Малых Б. И.	Тронин А. В.
Горбунов П. Н.	Николаев И. В.	Фирсов Д. П.
Девицкий Г. Г.	Наговицин Б. С.	Фролов Ф. М.
Дворецкий Н. П.	Новиков В. Н.	Хохряков Н. М.
Дерюгин И. З.	Несмелов Н. А.	Целищев П. С.
Зверев И. В.	Наумов А. П.	Чекинов А. П.
Иванов М. А.	Нагорных Г. Я.	Чувашев В. А.
Ивонин М. Я.	Обухов В. Т.	Чирков В. Н.
Иванова П. Н.	Осетров Г. М.	Чернышева М. И.
Караваев А. В.	Ольшанский Г. П.	Черепанов А. С.
Кутявин И. Ф.	Осипова М. Н.	Шутников С. А.
Козлов Ф. Р.	Орехов Н. П.	

## ВКП(б)-лэн Обкомезлэн член'ёсызлы кандидат'ёслэн списоксы

Будина Е. Ф.	Корепанов Н. Н.	Поздеев П. М.
Гаврилов А. А.	Князев А. И.	Попченко В. П.
Гагарин Н. З.	Матюкин А. А.	Порсева А. П.
Дитятев С. Д.	Непогодин М. Ф.	Сысоев П. П.
Жуков Н. Д.	Никитин П. Н.	Чипеева О. А.

## ВКП(б)-лэн Обкомезлэн ревизионной комиссиелэн член'ёсызлэн списоксы

Антропов М. И.	Корепанов И. Т.	Плетенев И. И.
Ворончихин В. С.	Караваева А. В.	Русских М. Г.
Герасимов Г. М.	Мошкова Р. М.	Толстухин В. И.

## ВКП(б) Обкомлэн нырысетй пленумез

15 мартэ, 18 областной партконференция ворсаськем бере, ВКП(б)-лэн Удмуртской Обкомезлэн нырысетй пленумез ортчиз.

Пленум ВКП(б) обкомлэн бюроз член'ёсы таче эш'ёсты бырйиз:

А. П. Чекинов.  
А. В. Караваев.  
С. А. Шутников.  
В. А. Гронин.  
И. Ф. Кутявин.  
А. Е. Парлов.  
А. В. Тронин.  
Г. И. Поляков.  
М. А. Иванов.

Пленум единогласно бырйиз ВКП(б) Обкомлы секретар'ёсы А. П. Чекинов, А. В. Караваев, С. А. Шутников эш'ёсты, кадр'ёс'я секретаре В. А. Гронин но пропаганда но агитация секретаре И. Ф. Кутявин эш'ёсты.

Пленум ВКП(б) Обкомлэн отдел'ёсызлы заведующийёсы юматйиз: сельскохозяйственной отделлы М. Я. Ивонин эшез, нолэс промышленности отделлы А. В. Абрамов эшез, оборонной промышленности отделлы М. А. Иванов эшез, промышленности отделлы А. М. Герасимов эшез, военной отделлы К. А. Брызгалов эшез, оргинструкторской отделлы П. Н. Горбунов эшез.

Пленум юматйиз «Удмурт Правда» газетлы ответственной редакторе Ф. И. Бармин эшез, «Удмурт Коммуна» газетлы Н. М. Хохряков эшез, но «Ленин Юлы» газетлы Ш. Ахмедзянов эшез.

Организационной вопрос'ёсты обсудить карем бере пленум ворсаськиз.

## ТАСС-лэн опровержениез

Иностранной печатн инвортиске, что Финляндия, Швеция но Норвегия куспн будто-бы переговоры мыно Финляндилэсь границаосэ военной кужымен охранять карон задачаосын озы нимаськись «оборонительной союз» тупатон сярись. Соин чоп ик инвортиске, что будто-бы Советской Союз пумит уг луы Финляндия, Швеция но Норвегия куспн с'иче «оборонительной союзлы».

ТАСС уполномочить каремын ве-

Мичуринск 'городын' комсомолэн горкомезлэн инициативез'я ортчиз военно-технической шудон, кытын принимать карны участие кунай сюрс адьямалэсь по трос.



Снимокны Военно-Технической шудонлэн учасницосыз—Мичуринск-лэн нимывыз нимам плодоягодной ВУЗ-ысьтыз студенткаос А. Попова (паланысыз) но А. Берестиева дозорын.

## Оборонной соревнованиос

11-ти мартысен 23 мартозь лиськон'я, куасэн ветлоп'я, ПВХО школаосын пионер'ёслэн но школьник'ёслэн оборонной соревнованиосы ортчизы Табере 25 мартысен 5-ти апрелёз пионер'ёслэн но школьник'ёслэн оборонной районной соревнованиозы ортчез. Школаос вис'ялозы умой командаосэс ыбы-

Соревнованилы умой дасясько педучилище, Тольенской НСШ но мукет'ёсыз. Средня школа соренно ванилы урод дасяське.

В. Казаков.

## Умой дасясько

Тольен сельсоветсы Тольен неполной-средней школаын умой дасясько оборонной соревнованиосы азелы. Али татын кык команда ыбыльськон'я организовать каремын, 4 команда ПВХО но 4 ко-

мапта ГСО кружок'я. 6-7 класс'ёсысь дышетекис'ёс тужгес мыльс-кыдысь дасясько соревнованиослы. Та ужан умой руководить каро учительс: Трапезников, Торопов но мукет'ёсыз. Каждой нунал дышетскем бере ортчылске тренировочной занятиос ыбыльськон'я. Ветлызы ни тире ыбыльськонны. ГСО кружок 4 занятие орчылтиз ни кызы оборонять кароно командаз но мукет'ёсэс.

Асьме школамы соревнование орчтем бере, дасяско умойсэс командасты районной соревнование ыстыны. Оборонной соревнованиез орчтытам бере ми дышетекис'ёс но дышетекис'ёс эшшо но зол ПВХО но ГСО кружок'ёсын ужалом.

Геревозчиков.

## Бесхозяйственность

Тольен сельсоветсы «Красный октябрь» колхозын уж'ёс уродэсь. Басьтом вал'ёсты. Вал гидысь кыедзы одйг воз но поттымтэ, соин сэрэн ик соосты гилэ пыртыны уг луы ни. Вал'ёс гилэ азын ветло. Конюх'ёс нош ужысьтызы пегыса уло, нуназе но уйин но соосты конной дворысь уд шельты. Вал'ёс таче урод азын улэмен уродмытэмын чунны куштон случайёс но вань ни, а колхоз правление ненюкыче ужрад уг куты.

Колхозын к'оня ю няньзы, сое нскин но тодысь өв'ол учет өв'олэн. Озы бере колхоз ю-нянь тус-тас уг луы шуыса вераны шуг.

Татын вань изба-читальня, избачез Ившина, но со нюкыче но уж уг нуы. Боргазет поттэн интые, Ившина уг тоды поттэ-а, уг-а колхозын газет. Маслопромын ужась Каракулов гуртаз бертэ ке, колхозник'ёсын дебоширство, пьянство гинэ организовать каре. «Красный октябрь» колхозлы ужзэ умоятыны райзолы юрттоно.

Врид. редактора  
Г. ПОНОМАРЕВ.

## Театр

### „Сады цветут“

«Сады цветут» 4 действиен комедия, Дебесской колхозно-совхозной театрын мынэ ни 29-ти февральсэ. Та пьесаез гождис'ёс автор'ёс Масс но Куличенко возматэ ас пьесаазы ученой садовод-мичуринецлэсь Карп Ивановичлэсь, садэз возмась сторожен Савелий Сверчекен тупаса улэм но ужамзэс но ас ужзылы преданностэс. Тазы ученой садоводэн сторожен тупаса улон но ужан луыны быгатэмын Советской Союзын социалистической уждырын гинэ. Автор'ёс таче возматныны умой быгатэмын. Соин ик пьесаез учкис'ёс оско, что со эм, что та бастэмын советской гражданин'ёслэн улонсыстызы.

Пьесаын озы ик возматэмын, кызы пересь мурт'ёс: садовод Карп Иванович но сторож Савелий пизэс но племянницаз кышнооса но бызгытыса, влучек'ёсынызы шудыр семьянны улыны малпасько. Но Карп Ивановичлэн пиез Владимир но Савелийлэн племянницаз Тая кышнооскемзэс ватэмен сэрэн, сураськон потэ но одйг-огзэс уг валало. Соин тумошо, серек'ял'ёс потэ.

Кызы справиться кариськиз театр та пьесаез пуктонэн? Пьеса шудэмын умой. Актер'ёс ас роленызы справиться кариськыны быгатызы. Карп Иванович— знатный садовод мичуринец, шудиз артист Б. В. Шелковский. Ас рользэ Шелковский эш шудиз умой. Но с'иче симпатичной садовод-мичуринецлэсь достоинствозэ понижать каре солэп чэм растрониться кариськонэз. Таче автор'ёс лядэ бастымытэ.

Савелий Сверчеклэсь — садлэн сторожелэсь рользэ шудиз артист В. П. Ложкин. Кема витем рользэ Ложкин татын шедьтэз, соя та роль. Савелийлэсь — добродушной, чыркем, сазь, улонлы шумпотон образэ, кызы, со возматэмын пьесаын, сое Ложкин умой валаса, синмаськымон шудиз. Пьесаез учкис'ёс соин ик Савелий Сверчек— Ложкинэз пырысь действителсен ик яратызы. Таче юмористической рользэ Ложкинлы азыланы: сэгылоно. «Муз'ем» пьесаын Ложкин уг ке вис'ясыны вал, али «Сады цветут» пьесаын со аелэсьтыз шудыны быгатон та-

лантэ возматэз, но Ложкинлы азылань будон понна эшшо тросе ужано на.

«Муз'ем» пьесаын кадэ ик урод йз шуды Владимирлэсь рользэ А. К. Главатских.

Таялэсь рользэ шудиз егит артистка Г. А. Федорова. Федоровалэсь нырысьсэ сцена вилэ потэмэз лядэ бастытыса, Таялэсь рользэ урод йз шуды. Но режиссер татын сое учесть карымтэ, что Таялэсь рользэ З. В. Зайковалы сэгытыса, со та ролен умойгес справить кариськысал. Тая, со— советской нылмурт чурит характерен. Со туж яратэ Владимирэз. Но солэсь буызы Карп Ивановичез огорчить каронтэм понна, со решитэсь кариське кошкыны. Владимирлэн но Таялэн та сярись садын пумиськемы, пьесалэн тужгес зол интыез, но возматис'ёске огшоры гинэ. Режиссерлы юрттоно Таялы ас рользэ пыр-пач валаны но сое умой возматэмын.

Серек'ямон (комедино) парос Петр но Гая, шудызы Цылев но Зайкова актер'ёс. Ас роленызы умой гинэ шонерекызы.

Пьесаын карикатурно возматэмын студентка практиканка Вера. Со ужаны азытэм. Советской об-

рапы, что Советской Союзлэн позичез сярись с'иче инвортис'ёс зэмлы уг тупало, ибо, кызы адиське Норвежской стортинлэн председателэзлэн г. Хамбрелэн 14 мартэ верам тодмо антисоветской речысьтыз, с'иче союз направить каремын лусьсал СССР-лы пумит, и чутырак пумит лусьсал тугарын 12 мартэ СССР но Финляндия куспн гождэм мирной договорлы.

Павеллэсь рользэ (шоферез) Каракулов шудиз. Солэн шудэмез синмаськымон.

Студенткаосы, стрелочницазы, телеграфисткалы кылзэс умой в'лятон бордын зол ужано.

Декорация лэсьтэмын вал усто. «Сады цветут» пьеса, Дебесской театрын ужась егит коллективлэн кыкэтйез гинэ ужез. Озы ке но, творческой азинсконзы ш'дскымон адске. Сое возматэ зрительс'ёслэн зол аплодировать каремын. Соин ик театрлэсь коллективзэ но художественной руководителэз А. И. Зайковез творческой успешенызы поздравить кароно луэ.

Пономарев.